

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Gebri Arabis Chimia**

**Geber**

**Lugduni Batavorum, 1668**

De erroribus circa quantitatem fecum, & dispositionem fornacis. Item de materia & qualitate vaforum, in predictis sublimandis. Cap. XLIV

[urn:nbn:de:bsz:31-95581](#)

*De erroribus circa quantitatem secum, &  
dispositionem fornacis. Item de mate-  
ria & qualitate vasorum, in prædictis  
sublimandis.*

## C A P . X L I V .

**E**xpedit ergo certificare artificem in omnibus, in quibus contingit errare de facili in horum duorum spirituum sublimatione. Dicimus igitur, quod si multas feces posuerit, tunc si non augmentaverit ignem proportionalem, nihil sibi ex sublimando ascendet. Quomodo autem ignis proportionem inveniat, iam tibi sufficienter narratum est. Et si paucam secum quantitatem: vel non ex metallorum calce posuerit, tunc si ignis proportionem non invenierit, ascendet sublimandum cum tota substantia absque mundatione. Et hujus tradidi cap. præced. similiter inventionem sufficientem. Ex fornace vero similiter saepè contingit errare. Nam magna fornax fortem & magnum dat ignem, parvum vero parva: si ligna & foramina auricularum ejus proportionentur. Si igitur posuerit multam rei ad sublimandum quantitatem in parvam fornacem, ignem elevationis sufficientem non poterit exhibere. Si vero paucam quantitatem in magnam fornacem posueris, subli-

sublimationem exterminabis in fumum , propter ignis excessum. Si similiter vero spissa fornax conculcatum & forte m dat ignem : tenuis vero raru m & debilem: in quibus similiter errare contingit. Similiter vero & cum spacio sis auriculis furnus & clarum & magnum dat ignem , cum strictis vero debilem. Item si magna fuerit vas is in coaptatione ad furnum distantia à spondilibus ejus , magnum dabit ignem : si vero minor, minorem. In quibus omnibus contingit errare s e p i s s i m e . Rectificatio ergo horum est , ut furnus scilicet construatur secundum intentionem ignis quam querit : spissus scilicet cum liberis auriculis , cum distantia vas is aludel multa à spondilibus furni , si magnum querit ignem. Si vero mediocrem , mediocre in his omnibus inveniat proportionem : si vero debilem , proportionem in his eandem inveniat. Et has proportiones omnes docebimus te invenire cum præparatione vera , & experientia determinata. Si igitur volueris multam sublimationis quantitatem elevare , tunc vas aludel tantæ capacitat is invenias quod illam suscipiat super fundum , ad elevationem unius palmæ : Ad illud coaptes furnum , ut suscipiat aludel in medio sui , cum distantia parietum suorum per duos digitos vel plus. Et furno

D 2 facto,

facto , facias illi auriculas æque distantes  
sibi invicem proportione una , ut debita  
quantitas ignis ad omnes partes sumi  
æqualiter circumfundatur. Dehinc vero si-  
pote ferreo in medio fornacis ex transverso  
in spondilibus ejus firmato , qui à fundo  
fornacis distet ad extensionem unius pal-  
mæ cum pollice suo , & ad spissitudinem  
unius digiti : Super eo firmetur vas aludel,  
& conjungatur ad furnum. Et fiat ignis in  
ipso. Tunc enim si bene & libere se expe-  
dierit de furnositatibus , & flamma libere  
per totum furnum se diffuderit in circuitu-  
tu aludel, tum bene proportionatus est. Si  
vero non , tunc dilata ejus auriculas , secun-  
dum quod tibi videbitur , & accendatur  
iterum ignis in eo : Et si emendatur , bene  
quidem : Si vero non , tunc necessario re-  
linquitur , quod distantia aludel à parieti-  
bus nimis parva est. Radantur ergo parie-  
tes furni , & amplietur distantia , & postea  
iterum tentetur. Reueretur ergo ampliatio  
auricularum & rasura parietum , quo usque  
libere se absolvat à fuino , & flamma in cir-  
citu aludel sit lucida , & libere per auricu-  
las exeat. Ista enim est sufficiens experien-  
tia ad omnem sublimandorum quantitatem  
quo ad proportionem inventionis mag-  
nitudinis furni , & dilatationis auricula-  
rum ejus , cum distantia aludel à parietibus  
ejus : Intentio vero spissitudinis furni est ,  
quod

quod si quæsieris magnum ignem , major spissitudo illius sit, ad mensuram extensio-  
nis palinæ cum pollice suo· si vero medio-  
crem ad mensuram quatuor digitorum vel  
minus : Si vero minorem, ad spissitudinem  
duorum digitorum formetur. Similiter ve-  
ro in lignis servetur proportio : quoniam  
ligna solida fortem dant ignem , spongia-  
fa vero debilem , item sicca magnum & ci-  
to terminabilem , viridia vero parvum &  
diu durabilem. Ex consideratione ergo  
distantiæ aludel, & magnitudinis & parvi-  
tatis auricularum, & spissitudinis & tenui-  
tatis furni & lignorum diversitatis præmis-  
sa , accidit omnium ignium diversitates  
perquiri , cum experientia sua vera iam à  
nobis variata. Ex conclusione vero majore  
vel minore auricularum vel fenestræ furni,  
per quam ligna intromittuntur, & admini-  
stratione lignorum diversitatis , & additio-  
ne & subtractione illorum, accidit inveniri  
determinatum spacium temporis duratio-  
nis ignis : scilicet ut scientia vera & deter-  
minata sciatur, quantum unusquisque ignis  
in suo gradu perdurare poterit in æquali-  
tate. Et hæc investigatio est maxime tibi  
utilis & necessaria : quoniam per eam ex-  
cusaberis à multitudine laboris immensi.  
Exercitare igitur in ea & in omnibus à no-  
bis nunc novissime determinatis: quoniam  
qui se exercuerit inveniet : qui vero non,

D 3

non.

non. Intentio verò vasis aludel est , ut fin-  
gatur vas de vitro spissum : De alia enim  
materia non valet , nisi forte similis sit sub-  
stantiæ cum vitro . Solum enim vitrum ,  
cum poris careat , sufficiens est spiritus te-  
nere ne fugiant , & exterminentur ab igne .  
Alia autem materia nulla : quia per poros  
eorum successivè diminuuntur & evanescunt  
spiritus . Nec etiam metalla in hoc  
valent ; quoniam spiritus propter affini-  
tatem , cum illis uniuntur , quare per illa  
transeuntes successivè evanescerent : quod  
per ea quæ à nobis determinata sunt , aper-  
tè probari potest . Necessariò & experien-  
tiâ repertum est hoc nos verum dixisse .  
Ergo per aliquod aliud non excusamur à  
susceptione vitri in compositione aludel .  
Fiat ergo concha vitrea rotunda , cuius  
fundus sit parvæ concavitatis : & in me-  
dio spondilium ejus formetur zona vi-  
trea circumdans eam ; & super illam zo-  
nam fundetur paries rotundus æque di-  
stans à conchæ pariete ad grossitudinem  
cooperculi ipsius conchæ : ita ut in di-  
stantia hac cadat paries coopertorii largè  
sine pressura . Altitudo verò hujus parietis  
sit ad mensuram altitudinis parietis con-  
chæ , aut parùm plus , aut parùm minus .  
Formentur verò duo coopertoria ad men-  
suram hujus concavitatis duorum pa-  
rietum æqualia , quorum longitudo sit

æqua-

æqualis , & sit unius spannæ , & figura eorum figura una , scilicet pyramidalis : in quorum capitibus duo æqualia sint foramina ; unum scilicet in uno , alterum in altero , in quibus aīnobus possit cadere major gallinæ penna : ut hīc & paulo post clariū cernere licebit . Est ergo tota vasis intentio , ut possit moveri secundūm artificis voluntatem cooperitorum illius : & quod junctura sit ingeniosa , per quam , cum opus fuerit , sine lutatione aliqua , non pateat spiritibus egressio . Qui ergo in hoc potest magis ingeniarī , non excusat se ab hoc per nostram traditionem . Et est specialis intentio super hoc , scilicet ut concha interior cum spondilibus suis usque ad medium subintret cooperulum suum . Cum enim humorum sit ascendere , & non descendere ; per hoc invenimus inventionē illa , spiritus non habere ad consumptiōnem exitum : & hunc modum invenimus præcellere omnes alios quos inventionē nostra quæsivimus . Et hoc experiendo videbunt nos veriuū de hoc æstiuinasse . Intentio verò una in omni sublimatione est , ut sæpiissimè evacuetur aludel seu cooperulum , ne præ nimia sublimatorum multiplicatiōne in concha , cadant & ad illius fundum præcipitentur ; & retineat te multitudi reiterationis sublimationis occupatum longo tempore . Est & intentio alia , ut

D 4

semper

semper seorsum separetur quod sursum ad propinquitatein foraminis capit is aludel videtur ascendisse in pulverein: & quod fusum & densum in frustis & apud fundum aludel pervium & clarum cum adhaerentia ad vasis spondilia concendisse inventum fuerit: quoniam hoc minus habet de adiustione, quam quod prope foramen reperiatur scandisse. Hoc autem in superioribus aperta probatur ratione & experientio. Probatio vero bonitatis & perfectionis sublimationis est, ut inveniatur clara & lucida, & non aduratur, nec inflammetur. Hæc est ergo perfecta intentio sublimationis horum duorum spirituum sulphuris videlicet & arsenici. Et si non inventa est sic reiteretur opus super illa, cum consideratione omnium suarum intentionum, quo usque sic inveniatur.

### *De sublimatione Mercurii.*

#### C A P. X L V.

**N**unc vero totam intentionem argenti vivi sublimationis restat narrare. Est igitur completa summa illius, depuratio terreitatis, & remotio aqueitatis illius. Excusamur enim à labore ejus adiustionis remotionis, quoniam eam non habet. Dicimus igitur quod ingenium separationis superflua terræ ipsius est, ipsum commiscere cum fecibus seu rebus, cù quibus affinitatem non habet;